

آبونه اولق ایستینلر دائره عدلیه ده
اداره مخصوصه سنه مراجعت
ایتملیدر

اعلاناک بهرندن بر مجیدیه اخذ
ایدیلور

نسخه سی ۴۰ پاره در

تذکره محاکمه علییه

سنه لکی در سعادت ایچون مجیدیه
یکرمی غروش حسابیه التمش
غروشدر

طشمره ایچون بوسته اجرتی اوله رق
اون بش غروش ضم اولنور

نسخه سی ۴۰ پاره در

هفته ده ایکی دفعه جمعہ اترسی و چهارشنبه کونلری نشر اولنور . محتویاتی امور عدلیه به متعلقدر

توجیهات

قوصوه ولایتی محکمه فوق العاده سی اعضا لای
ولایت مذکوره استیناف محکمه سی اعضا سندن نظرت
حجریان افندی به

قوصوه ولایتی استیناف محکمه سی اعضا لای
درامه سنجانی بدایت محکمه سی اعضا سندن واسیلا کی
افندی به

اشتب قضاسی بدایت محکمه سی جزا دائره سی
ریاستی مرفقه قضاسی بدایت محکمه سی جزا
دائره سی رئیس علی ضیا افندی به

مرفقه قضاسی بدایت محکمه سی جزا دائره سی
ریاستی لوروس قضاسی بدایت محکمه سی جزا
دائره سی رئیس سابق حسن فهمی افندی به تفویض
بیورلش ومومی الهم ذاتاً محلف بولنمشدر .

تجربین و محتویات

در سعادت اعلامات شرعیه اجرا دائره سی باش
معاونلکنه عدلیه نظارت جلیله سی امور جزائی به
وایستاستیق قلمی باش ممیزی رفعتلو حمدی بک
عدلیه نظارت جلیله سی امور جزائی وایستاستیق
قلمی باش ممیزلکنه قلم مذکور ممیز ثانیسی فوتلو
مظهر بک

اسکدار بدایت محکمه سی حقوق دائره سی باش کتابته
محکمه مذکوره برنجی صنف ضبط کتبه سندن جمیل بک
تعیین اولنمشدر .

اشقودره مرکز بدایت محکمه سی اعضا لای
سرفیچه سنجانی بدایت محکمه سی اعضا سندن
انسطاش افندی

سرفیچه بدایت محکمه سی اعضا لای اشقودره
ولایتی مرکز بدایت محکمه سی اعضا سندن نیقولا کی
افندی

کسندیره قضاسی بدایت محکمه سی اعضا لای
غرامش قضاسی بدایت محکمه سی اعضا سندن سعید افندی
غرامش قضاسی بدایت محکمه سی اعضا لای
آیدین سنجانی باش کاتب سابق محمد فائق افندی

قدس شریف سنجانی اجرا مأمور لایحه معموره -
الغزیز ولایتی اجرا مأمور لایحه مستغنی حسن افندی
جسر مصطفی پاشا قضاسی بدایت محکمه سی
مستطقلکنه مکتب حقوق شاهانه مآذونلرندن محمد
عارف افندی

پراویشته قضاسی بدایت محکمه سی مستطقلکنه
کسندیره بدایت محکمه سی مستطقی محمد حمدی افندی
کسندیره قضاسی بدایت محکمه سی مستطقلکنه
مکتب حقوق شاهانه مآذونلرندن ابراهیم ادهم افندی
بولی سنجانی بدایت محکمه سی مستطقلکنه
کنگری سنجانی بدایت محکمه سی مستطقی عمر فوزی
افندی

کنگری سنجانی بدایت محکمه سی مستطقلکنه
قسطمونی ولایتی مرکز بدایت محکمه سی باش کاتبی
صبری افندی

قسطمونی ولایتی مرکز بدایت محکمه سی باش
کتابته ولایت مذکوره استیناف محکمه سی ضبط
کتبه سندن صادق افندی

اینوز قضاسی بدایت محکمه سی اعضا لای طرنوه
قضاسی بدایت محکمه سی اعضا سندن ابراهیم افندی
طرنوه قضاسی بدایت محکمه سی اعضا لای پراویشته
قضاسی بدایت محکمه سی مستطقی رخسار افندی
تعیین اولنمشدر .

محاکمه و مقدمات

محکمه تمیز استعدا دائره سندن تنظیم واعطا
قلنان اعلامدر :

بغداد ولایتی استیناف محکمه سی جزا دائره سندن
لاحق اولوب ۲ مایس سنه ۳۲۱ تاریخده تفهیم قلنان

قراری ناطق ۲ حزیران سنه ۳۲۱ تاریخلی وقرق
القی عدلی اعلامک تمیزاً تدقیقی مستدعی محکمه
مذکوره مدعی عمومیلکی طرفندن ویریلان ۲ مایس
سنه ۳۲۱ تاریخلی استدعانا مه واوراق متفرعه سی باش
مدعی عمومیلک مأموریت بهیه سنک ۱۱ ایلول سنه
۳۲۲ تاریخلی تبلیغنامه سی ایله محکمه تمیز استعدا
دائره سنه تودیع ایدلش واستدعانا مه مذکورک مدت
قانونیه سنه موافق اولدینی بالتدقیق اکلاشلش اولملغه
بالقبول تدقیقات تمیزیه اجرا سنه ابتدار قلندی .

اعلام ممیز بهک خلاصه مالی منسلا علی بن
عباس الجعینک قتل قصیده جرح اولنمشندن طولای
جنایتله اتهام اولنان جاسم بن محمد کریخ نام شخص
حقنده اجرا قلنان محاکمه و تدقیقات نتیجه سنده
بیلرنده تحدث ایدن منازعه ده مرقوم علی بی بیچاقه
کو کسندن ضرب و جرح ایلدیکی اولبالده مع القسم
استماع اولنان شهودک شهاداتی وراپور وژورنال
مندرجاتیله ثابت اولدیغندن و یاره سنک درت ماهی
متجاوز مدته التیام پذیر اوله جق درجه ده جرح
وقولنک ارتفاعنده نقصانیت حاصل اولدینی اکلاشلش
وفقط اولجه میانه لرنده برکونه خصومت وعداوتلری
اولدیغنی وبوعداوتنک نتیجه سی اوله رق فعل واقعک
قصداً ایقاع ایلدیکنی کوستر احوال دخی موجود
اولماسنه نظراً جرح مذکور منازعه صره سنده عادیاً
وتوعه کلدیکی مستبان اولدینی وراپورده کوسترلدیکی
وجهله قولنک ارتفاعنک نقصانیت سببیت ویردیکی
جهتله فعلی جنبه درجه سنده کوریلان مرقوم
جاسمک جزا قانوننامه هایوننک یوز یتش سکنرنجی
ماده سی حکمنه توفیقاً بریجق سنه مدته حبسنه قرار
ویرلدیکندن عبارتدر .

لایحه تمیزیه ده عندالحاکمه استماع قلنان شاهدلرک
شهادتلیله معاینه راپورینه ومدعینک صورت ادعاسنه
نظراً مرقوم جاسمک حرکت واقعه سنک قتل قصیدینه
مقرونیتی درکار واثباته کافی اولدینی حالده محکمه جه
بورالری نظر اعتباره آلتقمسزین جنبه به تنزیلله
بریجق سنه مدته حبسنه قرار ویرلشی مخالف

قانون اولدیغندن بختله اعلام مذکورک قضی طلب اولمشدر .

تبلیغنامه نك مفادی دخی لایحه تمیزیه ده فعلك نوع قانونیسی حقدده دریمان اولنان اعتراضات بجا کورلشنه مبنی اعلام مذکورک قضی طلبی حاویدر . ایجابی لدی المذاکره قتل قصدیه جرح ماده سندن طولای جنایتله متهم مرقوم جاسمك حرکت واقعه سی محکمه جه جنحه درجه سنده توصیف اولنه رق بریحق سنه مدته محکومیتنه قرار ورلش ایسه ده قطومه وزهرانك شهادت لرندن متحصل دلائل وامارات قتل قصدنی تعینه مدار اوله جق احوال دن بولنشنه مبنی بونقطه حقدده تحقیقات وتدقیقات مکمله اجراسی ایله فعل مذکورک نوع ووصفك بحق تعینی اقتضایدرایکن محکمه مذکورجه بوجه نظر اعتباره آلتقمیزین جنحه درجه سنده حکم وقرار ورلمسی یولسز و نقض حکمی مستلزم اسباب قانونیه دن بولندیغندن اصول محاکمات جزائییه قانوننك اوچوز اون دردنجی و اوچوز اون طقوزنجی ماده لرئ احکامنه توفیقاً اعلام مذکورک قضیه یکیدن اجرای محاکمه و حکمه ربطی ضمننده اوراقنك محله ارساله ۲۲ مایس سنه ۳۳۳ تاریخده متفقاً قرار ویرلدی .

ایبل اوغلی محمدك اثنای راهده اوکنه چقه رق اشیا وتقدوینی غصب ایلدیکری ادا اولنمشندن دولای جنایتله اتهام اولنان محمد بن اسماعیل ومحمد بن حسینك اوچر سنه مدته کورکه قونلرینه دأر طر بزون ولایتی استیناف محکمه سی جزا دأره سندن ویریلان ۱۹۴ نومرو لی اعلام

قراقل بن حسنی قتل ایلدیکی ادا اولنمشندن دولای جنایتله اتهام اولنان نعمان بن مرسینك اون بش سنه مدته کورکه قونلشنه دأر یانیه ولایتی استیناف محکمه سی جزا دأره سندن ایکنجی دفعه اوله رق اعطا قنلان ۹۵ نومرو لی اعلام

شفیقه خانمك بخره وقوسنی قهره رق اشیا سنی سرقت ایلدیکی ادا اولنمشندن دولای جنایتله اتهام اولنان بربر صرینك حین اقباع جرمدده اون بش یاشی اکل ایتمدیکری اکلا شملغه قرقجی ماده قانونیه یه توفیقاً طقوز آی حبسنه ویش سنه ضبطیه نظارتی آلتده بولندیرلشنه دأر بوردور سنجانجی بدایت محکمه سی جزا دأره سندن اعطا قنلان ۹۱ نومرو لی اعلام

یورکی قالفیه ی قتل قصدیه جرح ایلدیکی ادا اولنمشندن دولای جنایتله اتهام اولنان استراتی ولد یاتیقونك اوچ سنه مدته کورکه قونلشنه دأر مدلی

سنجانجی بدایت محکمه سی جزا دأره سندن ویریلان ۱۶۶ نومرو لی اعلام

حافظ عمری قتل قصدیه جرح ایلدیکی ادا اولنمشندن دولای جنایتله اتهام اولنان زورنا حسن بن حسینك اوچ سنه مدته کورکه قونلشنه دأر سینوب سنجانجی بدایت محکمه سی جزا دأره سندن ایکنجی دفعه اوله رق ویریلان ۲۴۴ نومرو لی اعلام سید بن محمدك قاتله معاونت ایلدیکی ادا اولنمشندن دولای جنایتله اتهام اولنان مصطفی بن صالحك اوچ سنه مدته کورکه قونلشنه دأر تواد سنجانجی بدایت محکمه سی جزا دأره سندن ویریلان ۷۲۸ نومرو لی اعلام

سلیمانیه قریه سندن حاجی یوسف اوغلی محمدك کوزنی جرح ایله نور بصردن محرومیتنه سببیت ویردیکری ادا اولنمشندن دولای جنایتله اتهام اولنان سالم اوغلی اسماعیلك اوچ سنه مدته کورکه قونلشنه دأر اردنه ولایتی استیناف محکمه سی جزا دأره سندن اعطا قنلان ۴۹ نومرو لی اعلام پترو ولد استقانی قتل ایلدیکی ادا قلمنمشندن دولای جنایتله اتهام اولنان بکتاش بن سلیمانك اون بش سنه مدته کورکه قونلشنه دأر برات سنجانجی بدایت محکمه سی جزا دأره سندن اعطا قنلان ۵۷ نومرو لی اعلام

تکوشلی حسن بن علینك کیفیت قتلندن دولای جنایتله اتهام اولنان سلیم بن یوسفك اون بش سنه مدته کورکه قونلشنه دأر سلانیک ولایتی استیناف محکمه سی جزا دأره سندن ایکنجی دفعه اوله رق اعطا قنلان ۲۱۴ نومرو لی اعلام

دیک اوغلی حسینك کیفیت قتلندن دولای جنایتله اتهام اولنان عثمان بن صالیشك اون بش سنه مدته کورکه قونلشنه دأر یوزغاد سنجانجی بدایت محکمه سی جزا دأره سندن اعطا قنلان ۶۵ نومرو لی اعلام حبیب بن باشونك کیفیت قتلندن دولای جنایتله اتهام اولنان خیرو بن موله نك اون بش سنه مدته کورکه قونلشنه دأر سنیچه سنجانجی بدایت محکمه سی جزا دأره سندن اعطا قنلان ۳۶۸ نومرو لی اعلام

فیض اه بن عبدل ورققاسنك حیواناتی اخذ وغصب ایلدیکی ادا اولنمشندن دولای جنایتله اتهام اولنان صالح بن آدمك بش سنه مدته کورکه قونلشنه دأر پرزین سنجانجی بدایت محکمه سی جزا دأره سندن اعطا قنلان ۳۰۸ نومرو لی اعلام

سرقت ماده سندن دولای جنایتله اتهام اولنان حسین ورفیق علینك اوچر سنه مدته کورکه قونلرینه دأر قره حصار صاحب سنجانجی بدایت محکمه سی جزا دأره سندن اعطا قنلان ۵۵ نومرو لی اعلام

جوجه اوغلی صالحه قتل قصدیه سلاح آتدینی ادا اولنمشندن دولای جنایتله اتهام اولنان اوطنه باشی اوغلی صالیشك اوچ سنه مدته کورکه قونلشنه دأر اقره ولایتی استیناف محکمه سی جزا دأره سندن ویریلان ۴۸ نومرو لی اعلام

سرقت ماده سندن دولای جنایتله اتهام اولنان شوکت بن درویشك اوچ سنه مدته کورکه قونلشنه دأر وان ولایتی استیناف محکمه سی جزا دأره سندن اعطا قنلان ۱۰۹ نومرو لی اعلام محکمه تمیز جزا دأره سنجه تصدیق قلمشدر .

درسعادت جنایت محکمه سندن تنظیم واعطا قنلان اعلامدر :

قلبزلیک مجاسرت ایتمدیکری اداسیله مظنون علمیم اولان وفاتحمیده جرچرده حیدر جاده سنده خیریه خانمك خانه سنده مستأجراً اقامتله خانه سنده قیوجلیق ایتمدیکری ویکرمی طقوز یاشنده طاغستانی اولدیغنی سولیلان جبرائیل بن سعید وفاتج جوارنده عاشق پاشاده یکی محله ده حتی بکک خانه سنده مستأجراً مقیم ویا یزیده صابونجی خانی قارشوشنده آغزلقجی اولدیغنی افاده ایدن اوتوز بش یاشنده آستانه لی ابراهیم بن محمد سروری وجرچرده حیدر جاده سنده قیوجی جبرائیلک خانه سنده اقامت ایتمدیکری ویکرمی یدی یاشنده طاغستانی اولوب پولیس چاوشی ایدوکنی بیان ایلیان یکریمی یدی یاشنده اسکندر افندی ابن حسینك جنایتله اتهاملرینه دأر لاحق اولان ۳۰ مایس سنه ۳۳۳ تاریخ و ۱۷۱ نومرو لی مضبطه واستیناف مدعی عمومیکامأموریت بهیسنك ۱۴ حیران سنه ۳۳۳ تاریخ و ۱۷۳ نومرو لی اتهامنامه سی اوراق متفرعه سیله معاً محکمه جنایتله تدويع ایلمکله بالمطالعه تفصیلاتی اولایده طوبیلان ضبطنامه دن مستبان اوله جنی اوزره اصول محاکمات جزائییه قانوننك باب ثانیسنك فصل رایغنده محرر اولان معاملات ابتدائییه وجاهیه بعدالایفا متهملرک اجرای محاکمە لرئ ایچون حیرانك اوتوزنجی جمع ایرتسی کونی تعیین قلندی . یوم مذکورده متهملر توفیقخانده کتوردیلرک مدافعه وکیللرندن قدوسی افندینك عدم ورودینه مبنی متهملرک قبول وموافقتریه وکیل تعین قنلان واوراق دعوائی بالمطالعه مدافعه مهیا ایدوکنی سولیلان محکمه نزدنده مستخدم دعوی وکیللرندن صائم ودیکر وکیل حمدی افندیلر واستیناف مدعی عمومی معاونلرندن عزتو سیمج بک حاضر اولدقلری حالد محاکمه علیه یه مباشرت وجانب ریاستدن متهملرک

هوینلری بالتدقیق استجواب ضبطنامه سنده محرر اولدینی وجهله تعین ایتدکن ومتهملر ایله وکیللرینه خطارات قانونیه ایفا قلندقدن صوکره هیئت اتهامیه مضبطه سیله اتهامنامه ضبط کاتبی سلیمان افندی طرفندن قرائت اولندی .

مذکور مضبطه ده مظنون علمیم جبرائیل و ابراهیم واسکندرک قاب مجیدی چاریکی اعمال ایتدکری و بولردن ابراهیم واسکندرک سوردکری حقدده مستطق قرارنامه سنده کوستریلان دلائل وامارات اتهاملرینه کافی کورنش وحرکتلری قانون جزانك یوز قرق اوچنجی ماده سی حکمنی مستلزم افعال جنایتیه دن بولنش اولدیغندن بختله جنایتله اتهاملرینه قرار ویرلدیکی محرر واتهامنامه ده دخی مرقومونك مضبطه مذکورده مندرجانی وجهله متهم بولندقلری مسطر در .

اتهامنامه نك خلاصه سی جانب ریاستدن متهملره تفهیم وتوضیح ومعاون مومی ایله جانبندن دخی دعوانك تشریح اولنشنی معقب متهملر آبرو آبرو سولیتدیرلرکده بولردن جبرائیل کچن رمضان شریفندن مقدم متهملردن ابراهیمك قلب اچیه اعمال ایتدکری اوزره بالاغفال کندوسی دکنه آله رق یالدرلری قالب ایله تخمیناً اون بش یکریمی قدر مجیدی چاریکی اعمال ایتدکری و بالاآخره بوقلزلنلکک نتیجه سی مضر اوله جغنی اکلا یه رق کیفیتی اسکندر افندی یه حکایه ایتدیکنده قالبرلی کتور کورهم دیدیکندن قالبرلی خانه سنده کورتوروب مرقومه ارانه ایلدیکنده خانه لرندیه قاب اچیه اعمال ایتلری ده موافق اوله جغنی وکندوسی مأور اولدینی جهتله قلب اچیه لرئ سوره جگنی دریمان اتسی اوزرینه موافقت ایدرک ابراهیمه قالب اچیه اعماندن فراغت ایتدیکری و قالبرلی دکزه آتدینی سولیلوب خانه سنده اسکندر افندی ایله برلکده براییک آی قدر تخمیناً الی التمش عدد قلب مجیدی چاریکی یالدرلری وبوقل اچیه لرئ اسکندر افندینك سوردیکنی و بالاآخره مأورین طرفندن خانه سی باصیله رق قالبرلایله قلزلنلکک مخصوص آلات وادواتك آتدینی وکندوسی اولوجهله ابتدا ابراهیمك و صوکره ده اسکندر افندینك اغفال ایتدکری و قلب اچیه لرئ کوش وفاققوندن اعمال ایلدکری اتیان ایلدی .

ابراهیم صابونجی خانی قارشوشنده کی دکانده چالشدینی صروده اقصانده کی دکانده قیوجلیق ایدن جبرائیلی دکان صاحب لری چقارمغه چالشمقده ومرقومکده اغلابوب صیرلنقده اولدقلرندن مرقوم جبرائیلی دکاننک برکوشه سنده آتدینی و بالاآخره برکون اخشام اوزری قبان دقیده طلوه جلیق ایدن توفیقک کندوسه بوجبرائیل ایکیده برده خانه سنده قانیور

عجیا قلبن اولسون دیمسه قارشو مرقومه جبرائیلک قلب اچیه اعمال ایتدیکنی کورمدیکنی سولیدیکنی وصوکرده دن جبرائیل دکانه کسلیله مرقومی دکانندن چقاردیغنی وجبرائیلک دکانده بولندیغنی انشاده دعوی اوزرینه برکیجه خانه سنده کیتدیکنی وکندوسی قلبنلک فعلنده جبرائیله اشتراک ایتدیکنی درمیان ایتدی .

(مابعدی کله جک نسخه یه)

اعلانات

درسعادت استیناف مدعی عمر میلکندیه :

سرقت ماده سندن طولای مظنون علیه وموقوف اولان حاجی حسن حسینیه یتاقلق صورتیه اشتراک ایتدیکری اداسیله مظنون علیه اولوب غیر موقوف بولنان جقور چشمه ده ماهر بکک خاننده یاقوب اوطنه باشلیق ایدن اوزون بولی ، سیاه صاج وقاش وکوز وبقی ، دوز آلینی ، بیوک برون واغزلی ، سیوری مطروش چکل ، بغدادی بکزی بالچلی الی یاشنده حاجی مصطفی بن محمدك اصول محاکمات جزائییه قانوننك مواد مخصوصه سی احکامنه توفیقاً موقوف بولنان مرقوم حاجی حسن حسین ایله برلکده جنایت محکمه سنده محاکمە لرئ اجرا قلمق اوزره قانون جزانك ایکی یوز اوتوزنجی ماده سی علاوه سنك فقره ثانیه سی دلاتیه ایکی یوز یکرمنجی ماده سی موجبجه جنایتله اتهامه قرار ویرلدیکندن متهم مرقومک هر ترده کوریلور ایسه طوتیلوب محکمه مذکورده توفیقخانه سنده تسلیسی لازم کله جکی بالجله ضابطه عدلیه مأورلرینک معلومی اولق اوزره اشبو اخذو کرفت مذکورسی درسعادت هیئت اتهامیه سندن بالتظیم اعطا قلندی .

تجارت بسیر ملکشده

استانبولده یکی جامع شریف جوارنده چلینکرلر جاده سنده ۵۵ نومرو لی دکانده ساکن ایکن تجارت بحریه محکمه سندن افلاسنه حکم اولنش اولان تحفجی نبقولاکی سنی اوغلی ذمتنده آله جغنی اثبات ویا موقتاً قبول وفید ایتدیرمش اولان آله جقو لوک قانوننامه تجارتك ۲۱۱ نجی و آتی ولی ایدن ماده سی موجبجه مفلس طرفندن تکلیف اوله جق قوتقور . داتونك مذاکره سی ایچون [۲۴ ایلول سنه ۳۳۳]

تاریخنه مصادف بازار ایرتسی کونی محکمه مذکورده نك مصالح افلاسیه رؤیتته بخصوص اوطنه سنده کلری اعلان اولتور .

چارشوی کیر قیوسنده کدک پاشا جاده سنده اون نومرو لی ونومروسز دکانلرده مقیم قصاب حاجی احمد افندینك ۱۳ ایلول سنه ۳۳۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن سعادتو ابراهیم بکک ژوژ قومیسر ودعوی وکیللرندن واسیلاکی زاخاریادی افندینك موقت سنديک تعینلرینه ومغازه سیله اشیا ی زائده بیتیه سنك تمهیرینه واوراق ودفاترینك جنبه وكفالت ارانه ایده مزایسه حبس وتوقفه وبوباده کی قرارک موقتاً اجراسته محکمه تجارت بحریه جه قرار ورلش اولدیغندن قانوننامه تجارتك ۱۷۰ نجی ماده سی موجبجه دائمی سندیکلر انتخاب اولق اوزره ۱ تشرین اول سنه ۳۳۳ بازار ایرتسی کونی ساعت سکرز راده لرندیه اصحاب مطلوبك محکمه مذکورده نك افلاسه مخصوص اولان اوطنه سنده کلری لزومی اعلان اولتور .

درسعادتده فنجانیخار یقوشنده یوسفیان خاننده ۳۸ نومرو لی اوطنه ده مقیم قومیسونجی عوادیس کورگیانك ۱۷ ایلول سنه ۳۳۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن عزتو اوراماک افندینك ژوژ قومیسر ودعوی وکیللرندن یورغاکی افیانیدی وواسیلاکی زاخاریادی افندیلرک موقت سنديک تعینلرینه ومغازه واشیا ی زائده بیتیه سنك تمهیرینه واوراق ودفاترینك جنبه وكفالت مصدقه ارانه ایده مدیکر تقدیرده حبس وتوقیفنه وبوباده کی قرارک موقتاً اجراسته محکمه تجارت بحریه جه قرار ورلش اولدیغندن قانوننامه تجارتك ۱۷۰ نجی ماده سی موجبجه دائمی سندیکلر انتخاب اولق اوزره تشرین اولک برنجی بازار ایرتسی کونی ساعت سکرز راده لرندیه اصحاب مطلوبك محکمه مذکورده نك افلاسه مخصوص اولان اوطنه سنده کلری لزومی اعلان اولتور .

بک اوغلنده جاده کیرده ۱۶۴ نومرو لی مغازه ده مقیم تحفه تاجری الیاس شاخیزک ۱۵ ایلول سنه ۳۳۳ تاریخندن اعتباراً اعلان افلاسنه ومصالح افلاسیه نك رؤیت وتسویه سی ضمننده اعضای محکمه دن عزتو اوراماک افندینك ژوژ قومیسر ودعوی وکیللرندن عثمان طلعت بک ایله مارقو ناحوم افندینك موقت سنديک تعینلرینه ومغازه سیله اشیا ی زائده

بیتیه سنک تمهیرینه واوراق ودفاترینک جلبنه وکفالت ارأه ایده مز ایسه حبس و توقیفنه و بوبابده کی قرارک موقتاً اجراسنه تجارت بحریه محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سندیکر انتخاب اولمق اوزره [۲۹ ایلول سنه ۳۲۳] جمعی ايرتسی کونی ساعت یدی راده لرنده اصحاب مطلوبک محکمه مذکورہ نک مصالح افلاسیه رؤیتنه مخصوص اوطه سنه کلری اعلان اولنور .

ایکنجی تجارت محکمه سنده :

غلطه ده محمودیه جاده سنده ۱۵ نومرولی مغازه ده قرطاسیه و مطبعه جیلق تجارتیه مشغول ن . دیوداتی وم . قاروانا شرکتک ۱۳ ایلول سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محکمه دن عزتو ایوب صبری بکک ژور قومیسر و دعوی وکیللرندن دیران یرغانیان افدینک موقت سندیک تعیینلرینه و مغازه سیله اشیای زائده بیتیه سنک تمهیرینه واوراق ودفاترینک جلبنه وکفالت مصدقه ارأه ایده مدیکی تقدیرده حبس و توقیفنه و بوبابده کی قرارک موقتاً اجراسنه ایکنجی تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سندیکر انتخاب اولمق اوزره اشبو ۳۲۳ سنه سی ایلولنک یکرمی یدنجی پنجشنبه کونی ساعت یدی راده لرنده اصحاب مطلوبک محکمه مذکورہ نک مصالح افلاسیه رؤیتنه مخصوص اوطه سنه کلری اعلان اولنور .

بک اوغلی بیایت محکمه سی ایکنجی مقور دایره سنده :

بشکطاشده حاللر اسکله سنده ساکن شریف اغانک محل مذکورده خطب اسکله سنده کمورجی عباده اغانک اوطه سنده مقیم جمعه اونباشی ذمتده برقطعه سند موجبنه آله جنی اولان بیک طقوز یوز سکسان غروشک مع فائض و مصارف محاکمه تحصیل حقنده بک اوغلی بدایت محکمه سی ایکنجی حقوق دایره سنده اقامه ایلدیکی دعوی اوزرینه تنظیم و مدعی علیه جمعه اونباشینک اقامتکاهی مجهول اولمسندن ناشی محکمه دیوانخانه سنه تعلیق اولندیغنی اعلان ایدیلان دعوتنامه ده معین کونده مدعی علیه مرقوم بالذات اثبات وجود ایتدیکی کبی طرفندن بروکیل دخی کوندردیکنندن مدعینک طلبنه مینی وکیل مسخر تعیینله غیاباً جریان ایدن محاکمه نتیجه سنده مبلغ مذکورک مع فائض و مصارف محاکمه مدعی علیه جمعه اونباشیدن تحصیلنه دایر ۷ اغستوس سنه ۳۲۳ تاریخ وایکی یوز اوتوز طقوز نومرولی

اعلامک سورت مصدقه سی دخی مرقومک اقامتکاهی مجهول اولمسندن طولانی علی الاصول تبلیغ ایدیله مدیکندن اصول محاکمه حقوقیه قانونک یوز قرق طقوزنجی ماده سنه توفیقاً اعلام مذکور صورت مصدقه سنک محکمه دیوانخانه سنه تعلیق ایدلمش اولدیغنی اعلان اولنور .

محکمه تجارت امرا دایره سنده :

پاولی قوروناکیه ایکنجی محکمه تجارت اعلامیه محکوم به دینی اولان اوچوز الی لیرانک مع فائض و مصارف محاکمه تأمین تسویه سی ایچون حاجی قره بت لوسیانک اسکدارده سلامی علی افندی محله و جاده سنده اوچوز اون درت و اوچوز اون التی و اوچوزاون سکز نومرولرله مرقم علی التخمین التی یوز قرق ذراع عرصه اوزرینه مینی ایکی قاتندن عبارت التی اوطه وایکی سالون و آرقه جهتده کی باغچه دروننده برده بو و صوقیوسی و مشتملات سائرہ نی حاوی شهری یدییوز یکرمی غروش ایجار کتوریر اوچ باب توتونجی وبقال و قصاب دکانلرندہ متصرف اولدیغنی نصف حصه لری بوندن اقدم موقع مزایده یه وضع اولنورق لیرای عثمانی یوز غروش حسابیه یکرمی بشیک غروشدہ طالبی عهده سنده قالمش و تاریخ اعلانندن اعتباراً اوتوزبر کونه یعنی کله جک تشرین اول رومینک اون طقوزنجی جمعه کونی ساعت اونه قدر یوزده بش ضم قبول اولنمی و ذکر اولنان یوم و ساعتده صوک مزایده سی بالاجرا قرار قطعیسی ویریلرک طالبی عهده سنه کچورلمسی مقرر بولندیغندن و آندن صوکره هر نه ضم وقوعبولور ایسه قبول اولنمیجغندن مذکور حصه یه یوزده بش ضم ایله طالب اولانلرک و اطرافلیجه معلومات آلتی ایستینلرک مدت مزبورہ ظرفنده بدل مزایده نک عشرینه مساوی پی اچہ سیله برابر محکمه تجارت اجرا دایره سنه مراجعت ایللری و یوم و وقت مزبورده املاک مذکورہ پیشکاهنده مأموری مواجهه سنده حاضری بولملری اعلان اولنور .

در سادات اعمومات نظامی امرا دایره سنده

ماریه قادینک با اعلام نظامی واسیل ذمتده محکوم به آله جغندن طولانی مدیون مرقومک مالی اولوب حیز آلتہ آلتش اولان برعدد مرکب ایله اشیای بیتیه سنک تاریخ اعلانندن اعتباراً اوچ کون صوکره یعنی شهر حال رومینک یکرمنجی پنجشنبه کونی مرکبک آت بازارنده ساعت اوچ راده لرندہ و اشیانک دخی یکرمی ایکنجی جمعی ايرتسی کونی

ساعت درت راده لرندہ چارشوی کیرده یول کچن خاندنه بالمزایده فروخت اولنه جنی در سادات اعلامات نظامیه اجرا دایره سنندن اعلان اولنور .

ساقز تجارت محکمه سنده :

ساقزده مقیم تبعه دولت علیه دن و شیشه تجارتندن استلیو اندیریادینک ۱ مایس سنه ۳۲۳ تاریخندن اعتباراً اعلان افلاسنه و مصالح افلاسیه نک رؤیت و تسویه سی ضمنده اعضای محکمه دن جمال افدینک ژور قومیسر و دعوی وکیللرندن حسین الهامی و میخالا کی چلییدی افندیلرک موقت سندیک تعیینلرینه و مغازه وده بولرندہ کی اموال ایله اشیای زائده بیتیه سنک تمهیرینه واوراق ودفاترینک جلبنه وکفالت مصدقه ارأه ایده مدیکی تقدیرده حبس و توقیفنه و بوبابده کی قرارک موقتاً اجراسنه ساقز تجارت محکمه سنجه قرار ویرلمش اولدیغندن قانوننامه تجارتک ۱۷۰ نجی ماده سی موجبنه دائمی سندیکر انتخاب اولمق اوزره ۳۲۳ سنه سی ایلولنک یکرمی دردنجی بازار ايرتسی کونی ساعت بش راده لرندہ اصحاب مطلوبک محکمه مذکورہ نک مصالح افلاسیه رؤیتنه مخصوص اوطه سنه کلری اعلان اولنور .

بصره تجارت محکمه سنده

تبعه دولت علیه دن بصره نک پاشا محله سنده مقیم ایکن بصره تجارت محکمه سنندن افلاسنه حکم اولنمش اولان خانجی یعقوب ولد روین نواحک خصوصات افلاسیه سنک رؤیت و تسویه سی ضمنده دعوی وکیللرندن سلیمان فیضی افندی اصالة سندیک تعین قلمنش " اولدیغندن مفلس مرقوم ذمتده آله جنی اولانلرک قانوننامه تجارتک ۱۹۹ و ۲۰۰ نجی ماده لری موجبنه تحقیق دیون ایچون تاریخ اعلانندن اعتباراً یکرمی بر کون ظرفنده سنداتی محکمه کابنه تسلیم ایللری و مدت مذکورہ ختامندن صوکره اوچ کونده یعنی ۳۲۳ سنه سی ایلولنک اوچنجی بازار ايرتسی و دردنجی صالی و بشنجی چهارشنبه کونلری بصره تجارت محکمه سنک مصالح افلاسیه رؤیتنه مخصوص اوطه سنه کلرک سندیک افندیلر مواجهه سنده آله جقلمنی اثبات وقید و تصدیق ایتدیرملری و مدت مذکورده اثبات وجود ایده میان آله جقلملر حقنده قانون مذکورک ۲۱۰ نجی ماده سنه توفیقاً ایفای معامله اولنه جنی اعلان اولنور .